

مجموعه ابو الضحی

ماسوا شایسته شدن دل قطره به چالش
 بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

ناکھان سیم سیاه اولور افلاک
 حیرتندن دوشر سکونه جهان !
 برقه رله سحابه لر صدچاک
 کره آواز رعد ایله لزران !
 آرقه سندن عظیم برطوفان ،
 مضطرب خلق ، ناله گر صبیان !
 بوده برشعر مدھش دیگر !

§

عرض ایدر هر دقیقه لوح شفق
 صاری ، آل ، مائی ، پنبه ، بیعد رنگ !
 خنده ور مجزات رب فلق
 مرغزاری قیلار بلند آھنک !
 هر بلوط بر نمونه ارتنک !
 بو تماشاده بشقه برفرھنک !
 بوده برشعر علوی دیگر !

محمود اکرم

فی ۱۸ تشرین ثانی سنه ۱۳۰۰

مجالس رهبانیه

[مابعد عن جزؤ ۴۰]

ایمپراطور بو یاپاسلرک مباحثاتی لزومی قدر صبر و تحمل ایله دیگه مش
 اولدینی حالدہ اعضای مجتمعه نك هربری بر فکره ذاهب متعدد فرقه لره
 انقسام ایتدیکنی کورمکه فوق العاده متحیر اولمشدر .
 نصارادن اولان بر عرب مؤرخی بو مجلس حقنده یازمش اولدینی

ملاحظات صره‌سنده جریان ایدن مباحثاتك قرق جلد كير تشكيل ايلديكني بيان ايتشدرد .

[سه‌لدهن] نام مورخك روایتیه استناداً مورخ [اولسر] دركه :
« بشنجی عصر میلادیده یشامش اولان [سن . پاتریس] نام ذات اوج یوز آلتش بش کلیسا تأسیس وهر برینه ناظر صفتیه برر رئیس الرهایین تعیین ایتشدرد . » بوروایت نظر مطالعه‌یه آلدینی حالده ازینقده تجمع باش پاپاسلرك کثرته اصلاً تعجب اولنه‌ماز .

ذکر اولنان ازینق مجلس رهبانيسنده ازیمدلی [اوزدهب] نام راهبک برمکتوبی قرائت اولتشدرد . مرقوم بو مکتوبنده آریوسه اتباع ايله دیورکه :
« حضرت عيسانك جناب حقتك غير مخلوق بر اوغلی اولدینی تصدیق ایدیلور ایسه اوخالده کنديسك پدرله یعنی جناب حق ايله همجوهر اولدینی [حاشا] تصدیق ایتك اقتضا ایدر . »

بومکتوب اوزرینه اسکندریه پاپاسی آطناش رهایین موجوده‌یه سالف الذکر « همجوهر » لفظنك قبول اولتسنی تکلیف ایتشدرد که لفظ مجووث عنه مقدما انطاکیه‌ده عقد اولنان بر مجلس رهبان طرفدن رد اولتس ایدی .
انطاکیه مجلس رهبانيسنده « همجوهر » سوزینك قبولی تکلیف ایتش اولان سلوزاتلی پول « مختلف القیمة مسکوکاتك بر معدندن مضروب بولتسی » کیفیتنی مثال کتیرمش والوهیته برنوع جسمانیت اسناد ایتش اولسندن تکلیفی رد اولتس ایدی . فقط بومجلسده « همجوهر » لفظندن جسمانی برشی آکلا شلق لازم کلیه چکنه حکم ایدلش وایمپراطور دخی بو حکمی تحسین ایتشدرد .

آریوس طرفدارلری بو « جوهر » کله‌سنی انجیلده اولمدیغندن بحث ايله قبول ایتدیلر . مجلس ایسه انجیلده اولیان سائر برطاقم موادك دخی کلیساجه معتبر اوله‌جغنی دلیل مقامنده ایراد ایدرک آریوس وتوابعنك اعتراضاتی جرح ورد ایتشلردر .

مذاکرات مجلسک ختامی متعاقب امپراطور قسطنطین مجلسده حاضر اولیان رهاینه مقررات مجلسی اعلان ایچون ایکی قطعه تحریرات عمومیه نشر ایلشدر : برنجی مکتوبی عموم کلیسالرہ خطاباً یازمش ایدی . مشارالیه بومکتوبنده « مسائل اعتقادیه نک کال دقتله نظر تفتیش و امتحاندن کچیرلش و بناءً علیه اعتقاد خصوصنده برکونه مشکلات قالماش اولدیغنی » بیان و اخبار ایدیور .

ایکنجی مکتوبنک برفقره سنده دخی اسکندریه کلیساسنه خطاباً دیورکه :

« اوچ یوز نفر راهبک امر ایلدکری شی ابن اللهک امری مثابه سنده در . روح القدس ذوات مرقومه بی الهام و ارادات الهیه بی اعلام ایلشدر . امدی بعدما کیمسه شائبه کاندہ بولغسون . مباحثات دینییه ختام ویرلسون . جمله کُر محظوظیت تأمه ایله طریق صوابه عودت ایدیگز . » مجلس مذکور مقرراتنک قاج نفر پاپاس طرفندن امضا ایدلش اولدیغنی حقنده کلیسا مؤرخلرینک روایتلری مختلف در . مؤرخ اوزه بک قولنجہ مقررات مذکوره ۲۵۰ نفر راهب طرفندن امضا ایدلشدر .

انطاکیه لی اوستاشک قولنه کوره ۲۷۰ و سن . آطناشک سوزینه باقیلورسه ۳۰۰ ، امپراطور قسطنطینک مکتوب سالف الذکرینه کوره دخی ۳۰۰ پاپاس طرفندن امضا ایدلشدر .

ذوات اربعه مذکوره مجلسک زمان انعقادنده برحیات بولنش اولدقلرندن بدرجه به قدر سوزلرینه اعتماد ایدله بیلیر .

امپراطور قسطنطین بوکلیسا اختلافاتنک بالآخره پولیتیکه جه سؤ تأثیری انتاج ایده بلسندن خوف ایله مجلس مذکورک مقرراتنی قبولدن استنکاف ایدن بعض پاپاسلره عادتاً جبراً قبول ایتدیرمشددر . مثلاً ، قیصریه باش راهبی اوزهب برکون اول مقررات مجلس علیهنده اعتراضات شدیدده

بولنش اولدینی حالدہ ایرتسی کونی ضبط جریده سنه وضع امضایه مجبور اولمشدر .

مع مافیہ رهایندن مارماریسلی تئونس ایله (پتولوماق) لی سقوند، آریوسک افکارینی تصدیق و ترویجده نهایت درجده اصرار و ثبات ایتش اولدقلرندن مجلس رهبانی قرار یله کلیسادن طرد و ایمپراطورک امر یله دخی مملکتدن نفی و تغریب ایدلمشدر .

بونک اوزرینه قسطنطین بر امر نامه نشر یله هرکیم آریوسک یازدینی رسائلدن بری النده بولنورده یاقیه حق اولور ایسه مجازات شدیدیه دوچار اوله جغنی اعلان ایتشدر .

اوج آی صکره معترضیندن ازمیدلی اوزوب و تئونس نام کیسه لر دخی غول طرفلرینه یعنی فرانسه اولکهنه نفی اولمشدر .

(مابعدی وار)

کید النساء

ازمیر تجارندن بری بردولات تجارت کشاد ایتک اوزره مصره کتتش و بر آراق تجارندن برینک کریمه سیله ازدواج ایتش ایدی . ایشارینی یولنه قویدقدن صکره بلده سنه عودتی لازم کلدکده ذاتاً ازمیرده متأهل بولغسی جهته زوجه ثانیه سنی برابر کوتورمیه رک معیشتی تأمین ایله برابر قائم پدرینک خانه سنده براقه رق ازمیره گیر وهر سنه تجارتی الحاسیه بر ویا ایکی دفعه مصره کیدوب اوج بش آی قالدینی کبی ازمیرده بولندچه دخی قائم پدری اولان تاجرله مخبره ایدرک کندی زوجه سنک و زوجه سنی گندیسنک احوالندن بووجهله خبردار اولورلر ایدی . برکون ینه قائم پدرندن آلدینی برمکتوبده زوجه سنک شدتی برحمایه طوتیه رق اوج کون اینجده